

فريق التفريغ بموقع الطريق إلى الله

يقدم

برنامج "نوايا"

المقدمة

(باللهجة المصرية)



لفضيلة الشيخ: أحمد جلال

رابط المادة: <https://way2allah.com/khotab-item-150656.htm>

السلام عليكم ورحمة الله وبركاته، الحمد لله رب العالمين، والصلاة والسلام على أشرف المرسلين سيدنا محمد، وعلى آله وصحبه ومن تبعهم بإحسان إلى يوم الدين أما بعد،

كل عام وكل إخواننا وكل أخواتنا بخير، سلسلة جديدة من سلاسل نصف السنة، حبيت أن تكون السلسلة السنة دي تحت عنوان نوايا، وده لأمر كثيرة جدًا، يمكن من أعظم الأمور اللي لازم احنا نكون فهمينها إن أصل الدين في الحقيقة هو عمل القلب، كثير من الناس بيهتم دايماً بصورة العمل، بشكل العمل، أخط أيدي إزاي وأنا باصلي، عينيا بتكون فين، ودي كلها في حد ذاتها أشياء طيبة، لأن أنا بامثل بيها أمر النبي -صلى الله عليه وسلم-، ولكن حد في يوم من الأيام فكر لو واحد في يوم من الأيام قام يصلي، وصلى الصلاة كاملة على الهدي وعلى سنة النبي -صلى الله عليه وسلم-، ولكن للأسف لم يراعي هذا الإنسان حركة القلب، فصلى كل هذه الصلاة من أجل الناس، ممكن تقولوا لي وضع الصلاة عامل إزاي؟ هذه الصلاة لا تُقبل عند الله -سبحانه وتعالى-، بل وصاحبها يُعذب بها يوم القيامة أشد العذاب، وهو واحد من الثلاثة، أول ثلاثة تُسَّعَّر بهم النار يوم القيامة.

من أعظم الأمور التي نتقرب بها إلى الله الاهتمام بقلوبنا

علشان كده أنا حابب أركز معاكم في السلسلة بتاعتنا على ما يتعلق بالقلب، فيما يتعلق بمسألة النوايا أثناء عملنا، وأحوالنا مع الله -سبحانه وتعالى-. احنا ليه هنتكلم في السلسلة دي عن النوايا؟ هنتكلم في السلسلة دي عن النوايا عشان عدة أمور، الأمر الأول: لأن من أعظم الأمور الواجبة على العبد اهتمام العبد بهذا القلب، حتى أن العلماء جعلوا حركة القلب اللي هي النية قبل العمل جعلوها هي أصل الدين، شيخ الإسلام ابن تيمية -رحمة الله عليه- كان له كلمة قوية جدًا كان بيقول: "أصل الدين في الحقيقة هو الأمور الباطنة." مجموع الفتاوى (١٥ / ١٠) ده أصل الدين في الحقيقة، الأمر الثاني احنا عايزين نتكلم على مسألة القلوب وحركتها في النوايا أثناء العمل علشان دي أفضل قربي نتقرب بيها إلى الله -سبحانه وتعالى-، وأفضل عبادة نتقرب بيها إلى الله -سبحانه وتعالى-.

إصلاح الخواطر من أفضل العبادات التي نتقرب بها إلى الله

الإمام ابن الجوزي -رحمه الله- كان يقول: "ليس من العبادات شيء أنفع من إصلاح خواطر القلب." ذم الهوى (ص: ٦٦) مفيش عبادة من العبادات تقربك من ربنا -سبحانه وتعالى- أو تقربك من ربنا -سبحانه وتعالى- زي عبادة إن

الإنسان منا يُصلِح الخواطر بتاعته قبل كل عمل، لأن زي ما الإمام المحاسبي -رحمه الله- رحمة واسعة كان يقول: "لا يمكن بحال من الأحوال إنسان يقوم لعمل من الأعمال، إلا ويعتريه شهوات النفس والشيطان، وحب الثناء، وطلب كلام الناس، والإخلاص بين إيدينا ربنا -سبحانه وتعالى-". كل ما الإنسان منا هيقوم للعمل في يوم من الأيام لازم الحاجات دي كلها تعتريه، فيكون من أفضل العبادات اللي بيتقرب بيها لربنا -سبحانه وتعالى- هي إصلاح الخواطر.

عشان كده كان الإمام النووي -رحمه الله- بيلق لنا تعليق بسيط كده فيقول لنا: "إن أهم الأمور وجوباً على العبد في مراعاتها حركة القلب". شرحه على صحيح مسلم (٢٧ / ١١) أكثر حاجة مُفترض تراعيها دائماً قبل أي عمل حركة قلبك وانت جاي تعمل هذا العمل. والعلماء -رضي الله عنهم- لما اتكلموا ليه أهم حاجة عندنا أن حركة القلب قبل العمل أمر مهم جداً؟ ده حاجتين:

القصد إلى الله بالقلوب أعظم من غيره:

الحاجة الأولانية: لأن القصد إلى الله -سبحانه وتعالى- بالقلوب أعظم من حركة الجوارح، يعني كل ما الإنسان كان بيتحرك حركة قلب ده أعظم عند ربنا -سبحانه وتعالى- من حركة الجوارح، كما قال أبو خزيمة: "القصد إلى الله بالقلوب أبلغ من حركات الأعمال". حلية الأولياء وطبقات الأصفياء (٣١١ / ٩) خلى واحد النهاردة يفضل يصلي صلاة ٢٠ ساعة، ٣٠ ساعة، ١٠٠ ساعة، وحركة القلب كانت راجحة عشان كلام الناس، إيه قيمة الحركة؟ خلى واحد النهاردة يسافر للحج ويبدل الأموال والتعب والمشقة بتاعت الحج وهو ما كان يرجو من الله من هذا إلا إن الناس تقول عم الحج راح وعم الحج جه، حقيقة فعلاً القصد إلى الله -عز وجل- بالقلب أبلغ بكثير جداً من حركات الجوارح، وكان الإمام محمد بن يوسف المعروف بالبناء كان يقول: "أفضل الأعمال رعاية القلوب". حلية الأولياء وطبقات الأصفياء (٤٠٢ / ١٠) ده أفضل عمل ممكن الإنسان منا يتقرب به إلى الله -سبحانه وتعالى-، فهما كانوا دائماً بيهتموا بحركة القلب قبل العمل عشان ده هو اللي بيوصل لربنا -سبحانه وتعالى-.

لتأثير القلب على جوارح العبد وعملها:

الأمر الثاني: إن حركة القلب قبل العمل دي اللي بيكون لها التأثير الكامل على الجوارح، فجوارحنا هتبدأ تتحرك على وفق حركة العمل الأولى، بصوا احنا عندنا في أي ساعة مجموعة تروس، الترس الأول لما بيتحرك الساعة كلها بتتحرك، الترس ده مبيتحركش مفيش حاجة بتتحرك، نفس الكلام بالنسبة لحركة القلب، حركة القلب لما يبدأ يتحرك لله -سبحانه وتعالى- لما القلب كده في يوم من الأيام يبدأ ينوي يقول أنا عايز أرضي ربنا -سبحانه وتعالى-، أنا عايز ربنا -سبحانه وتعالى- يجيني، بمجرد ما القلب خد النية دي، نية إن أنا عايز أرضي ربنا -سبحانه وتعالى- تلاقى ده بسرعة ينطبق على الجوارح، ويبنطق للجوارح بالحركة وبالفعل، فالقلب بينوي، والقلب بيدي الإشارة للحركات بتاعت الجسد فتبدأ الأعضاء دي تتحرك.

أنا عايز أرضي ربنا - سبحانه وتعالى-؛ فتلاقيني النهاردة صمت علشان كنت عايز أرضي ربنا - سبحانه وتعالى-، القلب نوى إنه يرضي ربنا - سبحانه وتعالى-، بعد ما صليت المغرب قعدت في المسجد عشان أرضي ربنا - سبحانه وتعالى- لحد صلاة العشاء، وكان الإمام المري الإمام ابن القيم - رحمه الله- يقول: "ومن تأمل الشريعة في مصادرها ومواردها علم ارتباط أعمال الجوارح بأعمال القلوب."، هو كده أعمال الجوارح دائماً مرتبطة بأعمال القلوب، وده اللي احنا دائماً لازم نفهمه، وكان العلماء دائماً يقولوا لنا القلب هو الأصل والجوارح دي هي عبارة عن الأغصان، هي شجرة أصلها اللي ييمدها بالأكل والشرب وبالغذاء وغير ذلك ده القلب، إنما الجوارح هي مجموعة الأغصان اللي بيظهر عليها أثر ما فعله هذا الجذر.

من أعظم أعمال القلب على الإطلاق نية القلب عند كل عمل

العلماء كانوا دائماً بيأكدوا إن من أوائل الأوامر اللي ربنا - سبحانه وتعالى- أمر بها النبي - صلى الله عليه وسلم- كانت متعلقة بالقلب وحركة القلب، سواء قول الله - سبحانه وتعالى- "وَتَبَايَكَ فَطَهْرٌ" المدثر: ٤، أي قلبك فطهر عشان تبقى حركته سالمة لرضا ربنا - سبحانه وتعالى-، أو قول الله - سبحانه وتعالى- "وَتَبَتَّلْ إِلَيْهِ تَبْتِيلاً" المزمل: ٨، قال أهل العلم أي أخلص لربك إخلاصاً شديداً، فمن أوائل الأوامر اللي ربنا أمر بها النبي - صلى الله عليه وسلم- متابعة الإنسان في حركة القلب، وعلماؤنا علمونا إن نجاة الإنسان الحقيقية متوقفة على حركة القلب، سيدنا عبد الله بن مسعود - رضي الله عنه- كان يقول: "النجاة في اثنتين والهلكة في اثنتين، النجاة في اثنتين في النية والنهي." الزهد لوكيع (ص: ٦٣١) - الزهد لهناد بن السري (٢ / ٤٣٩). النية إنك دائماً تراقب نيتك قبل أي عمل دي النجاة وهتعرف دلوقتي نجاة ليه، والنهي إن الإنسان يكون عنده عقل وحكمة.

الصورة الأولى في نية العمل

لاتزال كلمات العلماء موجودة معنا، حتى إن بعضهم كانوا دائماً يقولوا لنا النية أبلغ من العمل، النية أبلغ من العمل الزهد لأحمد بن حنبل (ص: ٢٢٧)، وكان يوصي بعضهم بعضاً ويكتب بعضهم لبعض بضرورة اهتمام الإنسان بنيته، نية الإنسان دائماً لها صورتين، للأسف كثير من الناس من الصالحين ومن الملتمزين بيهتموا بالصورة الأولى وبينسوا تماماً الصورة الثانية، الإمام الغزالي - رحمه الله- كان يقول: "ونية العمل مرتبطة به في أصله وفي تضاعف فضائله."، نفهم الكلام واحدة واحدة، نيتنا دائماً لها صورتين، الصورة الأولى: إن أنا وأنا قايم أصلي أقول يارب هذا العمل أبتغي به وجهك، أنا مخلص في هذا العمل لا أريد به رياءً ولا سمعة، رايح أحج أقول لبيك اللهم حجة لارياء فيها ولا سمعة. دي الصورة الأولانية، ودي اللي أغلبنا دائماً بيبقى حريص إن هو ينفذها، وده مكانها دائماً العلماء بيذكروها في كتب الاعتقاد زي الشيخ محمد بن عبد الوهاب ذكرها في كتاب التوحيد، والعلماء كانوا دائماً بيذكروها في أصول الفقه فيما يتعلق بمبحث النوايا، وبعضهم كان بيتكلم عنها فيما يتعلق في مسألة الإخلاص والرياء وغير ذلك ومش هو ده تماماً اللي احنا هنتكلم عنه، لأن احنا كنا دائماً بنسمع في مسألة النوايا إخلاص النية لله، وأن العمل لا يُقبل عند الله - عز

وجل - إلا إذا توافر فيه شرطين الإخلاص والمتابعة، احنا ده درسناه وحفظناه في كتب الاعتقاد، ده اللي احنا مش عايزينه تمامًا.

الصورة الثانية في نية العمل

ولكن احنا هنتكلم عن الجانب الثاني، عن الصورة الثانية من الصور المتعلقة بالنوايا، وهي الصورة المتعلقة بتنوع النوايا في العمل الواحد اللي بيترتب عليه مضاعفة العمل، أنا رايح أصلي لله - سبحانه وتعالى - بما نويت؟ نويت والله إن أنا أتوضأ وأتوجه للمسجد وأصلي في المسجد جماعة زي ما النبي - صلى الله عليه وسلم - أمر، وأتوجه للصلاة في المسجد في جماعة حتى يغفر الله - عز وجل - لي بكل خطوة أخطوها إلى المسجد، ولما أكون في المسجد لا تزال الملائكة تصلي علي، وأنوي من وراء الصلاة مغفرة الذنوب زي ما النبي قال: "أرأيتم لو أن نهرًا بباب أحدكم يغتسل فيه كل يوم خمس مرات" ^١، وأنوي كمان إن أنا أكون نويت الاعتكاف داخل هذا المسجد، ونويت إن أنا أحصل هذا الخير الكبير.

هو ده اللي أنا عايزه النهاردة، ده اللي احنا عايزين نمشي معاه النهاردة، اللي احنا عايزين نمشي معاه النهاردة واللي احنا محتاجين نفهمه هذه الصور المتعلقة بإصلاح السرائر، الإمام المري، الإمام المحاسبي - رحمه الله - كان يقول: "إن لله عليك مع الفرائض الظاهرة فرضًا باطنًا وهو تصحيح السرائر". آداب النفوس للمحاسبي (ص: ٤٠)، فتصحيح السريرة وتنوع السريرة ده من الأمور اللي ربنا - سبحانه وتعالى - أوجبها عليك، والأمر اللي ربنا - سبحانه وتعالى - فرضها عليك.

عطاء الله لنا يكون بقدر نيتنا

وخذ بالك من حاجة إن تصحيح الإنسان منا لنيته بيترتب عليه أمور كثيرة جدًا: أول حاجة: عطاء ربنا - سبحانه وتعالى - متوقف على قدر ما ينويه هذا الإنسان، فكل ما كانت نية الإنسان في العمل الصالح ده صالحة، كلما كانت عطايا الله - عز وجل - للإنسان صالحة، بسم الله الرحمن الرحيم "فَعَلِمَ مَا فِي قُلُوبِهِمْ"، أي من إخلاصهم، "فَعَلِمَ مَا فِي قُلُوبِهِمْ فَأَنْزَلَ السَّكِينَةَ عَلَيْهِمْ وَأَثَابَهُمْ فَتْحًا قَرِيبًا * وَمَغَانِمَ كَثِيرَةً يَأْخُذُونَهَا" الفتح ١٨ : ١٩، الفتوحات دي كلها من ربنا كانت متوقفة على النية، ربنا بيعطي بالنية ما لا يعطيه في كثير من العمل، ربنا - سبحانه وتعالى - في القرآن قال لنا لما تحصل مشكلة بين الزوج والزوجة ابعثوا حد نيتهم الإصلاح، لو باعنين ناس نيتهم الحقيقية الإصلاح هتلاقي الأمور مشيت بفضل الله وبقوت زي الفل، ربنا - سبحانه وتعالى - يقول: "إِنْ يُرِيدَا إِصْلَاحًا يُوَفِّقِ اللَّهُ بَيْنَهُمَا" النساء: ٣٥، فهذا التوفيق مبناه الأساسي على النية الصالحة اللي احنا كنا عايزنها.

^١ "أرأيتم لو أن نهرًا بباب أحدكم يغتسل منه كل يوم خمس مرات. هل يبقى من درنه شيء؟ قالوا: لا يبقى من درنه شيء. قال فذلك مثل الصلوات الخمس.

بحسب الله بمن الخطايا" صحيح مسلم

أقسام الناس في النوايا:**الصف الأول: من ينسى النية أصلاً:**

اللي لما بيحي يعمل أصلاً العمل هو ناسي تماماً مسألة النية، بينسى النية، هو قايم يصلي وبعد ما صلى يقول لو سألته أنت نويت إيه فتلاقيه مش عارف، الإمام المحاسبي جاء إليه شاب وبيشكي له أن كل ما يقوم للصلاة ينسى النية بتاعته فهل له من الأجر شيء، فالإمام المحاسبي رد عليه بكلمة فقال: "إنك قلت إنك نسيت النية سهواً فهذا إقرارٌ منك وليس لك بـحجة وإنما أنساك الدنيا، وإرادتك هذه الدنيا."، الدنيا دائماً في بعض الأوقات بتنسينا واحنا راجين نصلي نصلي نعليه؟ الدنيا دائماً منسيانا واحنا راجين نعود المريض نعوده ليه؟ الدنيا أصلاً نستنا الحب والعلاقة اللي بيننا وبين بعض كأخوة في الله نستنا أصلاً احنا بنحب بعض ليه؟ فبعض الناس لما بيحي يعمل عمل بينسى تماماً النية، وده للأسف ليس له من عمله، لأن النبي -صلى الله عليه وسلم- يقول: "وإنما لكل امرئ ما نوى"^٢.

الصف الثاني: من يعمل العمل يرجو به الدنيا والثناء

في صنف ثاني من الناس نسأل الله -سبحانه وتعالى- السلامة، في صنف ثاني من الناس لما يجب يعمل عمل، نيته من البداية هو فاكركويس جداً هو مش ناسي زي الأولاني لا هو فاكركويس جداً، بس عارفين فاكركويس؟ فاكركويس الناس، فاكركويس الناس، فاكركويس الناس هتقول عليها إيه، فاكركويس دائماً أنا هاستفيد إيه مصلحة دنوية من ورا العمل اللي أنا عمله ده، فاكركويس دائماً إن أنا هاساعد الراجل ده عشان الناس تقول عليها إن أنا راجل كريم، والناس لما تشوفني وأنا باساعد الأرملة أو اليتيمة دي الناس هتقول عليها مش عارف إيه، ففي واحد هو فاكركويس جداً ولكن للأسف لا يتذكر من النية إلا ثناء الناس وكلام الناس، ودول اللي كان الإمام المرعي الإمام العز بن عبد السلام يقول: "وأقوامٌ إذا عملوا عملاً ما يريدون به إلا الناس."

وتعجب الإمام ابن الجوزي -رحمه الله- تعجباً شديداً من هؤلاء لما قال -سبحان الله-: "وعجبت هؤلاء الذين يعملون أعمالاً يبتغون بها كلام الناس وقلوب الناس بيد من يعصون."، صيد الخاطر (ص: ٣٧٤)، إنت بتعمل عمل ترائي به الناس وقلب الناس دي بايد من تعصيه الآن بالرياء وبالتالي بيكون العمل ده أصلاً حابط، نسأل الله -سبحانه وتعالى- السلامة.

الصف الثالث: من جددوا نواياهم قبل كل عمل

وفي الناس وده الصنف الثالث: لما بيحي ينوي العمل بيجهتهد جداً في حاجتين، الحاجة الأولانية إصلاح السريرة إن العمل ده يكون خالص لوجه الله -سبحانه وتعالى- الأمر الثاني: بيبقى حريص على تعديد الفضائل وتعديد المناقب اللي موجودة في العمل ده فيبيعد النوايا كتير أوي عشان يقابل ربنا -سبحانه وتعالى- مش بأجر واحد لا ده بأجور كثيرة جداً.

^٢ "إنما الأعمال بالنيات، وإنما لكل امرئ ما نوى، فمن كانت هجرته إلى دنيا يصيبها، أو إلى امرأة ينكحها، فهجرته إلى ما هاجر إليه" صحيح البخاري

الناس ثلاثة واحد لما يبجي يعمل عمل بينسى، واحد لما يبجي يعمل عمل بيعمله للناس ويس، وفيه واحد لما يبجي يعمل العمل بيعمله عشان الحاجتين إصلاح السريرة أولاً ثم بعد ذلك تعديد الفضائل، وده اللي احنا هنمشي مع بعض فيه بإذن الله -تبارك وتعالى- الفترة الجاية فيما يتعلق بالنوايا، إن اللي رايح في الاتجاهين دول أول حاجة أصلح سريرتي مع العمل، الأمر الثاني احنا هنتدرب عملي إزاي تتعدد النوايا في العمل الواحد بس، بحيث إن شاء الله نحصل أعظم الأجر، الدرس النهاردة كان درس نظري ولكن بدءاً من درس بكرة بإذن الله -تبارك وتعالى- تبدأ بقى الدروس العملية، هناخد عبادة عبادة والنوايا المتعلقة بيها، إن شاء الله -تبارك وتعالى-.

وهذا و-صلى الله على نبينا محمد وعلى آله وصحبه وسلم-.

تم بحمد الله

شاهدوا الدرس للنشر على النت في قسم تفريغ الدروس في منتديات الطريق إلى الله وتفضلوا هنا:

<http://forums.way2allah.com/forumdisplay.php?f=36>